

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO**, Sarajevo Ul. La Benevolencije broj 16, koje zastupa ministar Admir Katica (daljem tekstu: Kupac) i

2. **ICE-NET**, ul Dobrinjske bolnice 16, ID broj 4200872180005, koji zastupa direktor Dino Hajrić (u daljem tekstu: Prodavac)

zaključile su:

UGOVOR o nabavci klima uređaja

PREDMET UGOVORA

Član 1.

Predmet ovog ugovora je nabavka klima uređaja sa uslugom instalacije za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka na osnovu Odluke o pokretanju postupka nabavke broj, 04-1-11-4-44090/24 od 17.09.2024. godine i Obavještenja o nabavci broj 1364-1-1-96-3-78/24 od 11.10.2024. godine.

Ugovor se zaključuje prema uslovima iz tenderske dokumentacije, ponudom Prodavca broj 340/24 od 25.10.2024. godine kao i Ponudi prema Izvještaju o završetku i toku e-aukcije od 11.11.2024. godine koji čine sastavni dio ovog ugovora.

Član 2.

Cijena za stalna sredstva iz člana 1. ovog Ugovora, iznosi 11.099,00 KM bez PDV-a (jedanaest hiljadadevedesetdevet i 00/100 KM).

Ugovorena cijena uključuje, pored navedenog i pakovanje, transport i troškove osiguranja.

NAČIN PLAĆANJA

Član 3.

Kupac će Prodavcu izvršiti plaćanje ugovorene vrijednosti iz člana 2. ovog Ugovora u roku od 30 (trideset) dana od dana isporuke i instalacije.

ROK ISPORUKE

Član 4.

Ponudač se obavezuje da će isporuku predmeta nabavke izvršiti u roku od 25 dana od dana potpisivanja ugovora, a u skladu sa Predračunom koji je dobavljač dužan odmah dostaviti na zahtjev Kupca.

GARANTNI ROK ZA ISPORUČENE PROIZVODE I GARANCIJA ZA DOBRO IZVRŠENJE UGOVORA

Član 5.

Ponudač daje garanciju na isporučenu robu od 36 mjeseci od dana isporuke i instalacije.

Sve naknadne troškove nastale nakon isporuke predmetne nabavke, a koje se odnose na kvalitet koje je potrebno osigurati, osim šteta koje izazovu operateri Kupca, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

Prodavac je dužan, u roku deset dana od dana obostranog potpisivanja ugovora, dostaviti garanciju za dobro izvršenje ugovora u obliku безусловne bankarske garancije u iznosu od 10% od ukupne vrijednosti ugovora, sa klauzulom plativo na prvi poziv korisnika garancije bez prava prigovora s sa rokom važnosti: rok izvršenja ugovorenih obaveza + 30 dana.

OSTALE ODREDBE

Član 6.

Prodavac nema pravo da zapošljava, u svrhu izvršenja ovog Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 9.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 10.

Ugovor stupa na snagu danom potpisivanja ovlaštenih predstavnika ugovornih strana i traje do obostrane realizacije.

Član 11.

Ovaj ugovor je sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

